

Loga dán teavstta, dahje eará teavstta ja merke rukses tuššain **vokáleid** ja ruoná tuššain fas **diftoŋggaid**. Vállje dasto 10 sáni maid juogát stávvaliid. Čuovo stávvaljuohkima njuolggadusaid ja málle.

## Vuonccis mii mannii golle- ja silbamaniid

Muhtin áhkus lei vuonccis. Juohke beaivve vuonccis mannii guokte mani. Muhto dat eai lean dábálaš manit main lea mannefiskadas. Ii, siskkobealde mannegara lei golli ja silba.

Juohke beaivve oaččui áhkku guokte dakkár golle- ja silbamani iežas oskkáldas vuoncás.

Muhto ovttá beaivve háliidii áhkku eambo golliid ja silbbaid. Son gohčui vuoncá mannet logi mani. Son attii dasa ollu borramuša. Son čárvvui dan čovvji. Muhto vuonccis ii mannen go guokte mani.

Dalle áhkku niibbiin ráiggai ja rabai vuoncá čovvji. Son jáhkii ahte čovvji lei dievva maniin. Muhto doppe ii lean oktage manni. Mo manai vuoncáin, jáhkát don? Dat jámii, ja áhkku ii ožžon šat golle- ja silbamaniid.

